

Na kwa ajili yao najiweka wakfu mwenyewe, ili na hao watakaswe katika kweli—
Yohana 17:19.

Maombi endelevu yatafanikisha kwa ajili ya mwanadamu kile ambacho hakuna kingine kingeweza. Wale ambao kamwe hawaridhiki bila kutambua kwamba wanakua kila siku watapata mafanikio ya maisha...

Basi, usiendeleo kufikiri juu ya ... jambo moja, ukitumia nguvu zote za akili juu yake, daima ukijaribu kuteka usikivu wa wengine, bali chukua jambo jingine na ulichunguze kwa uangalifu. Hivyo siri baada ya siri zitafunuliwa katika uelewa wako. Ushindi muhimu wa aina mbili utakuwa umeupata kwa njia hii. Hutakuwa umepata tu maarifa yanye manufaa, bali pia utendaji wa akili umeongezwa nguvu na uthabiti. Ufunguo unaopatikana ili kufungua siri moja unaweza kuzalisha vito vingine vya thamani vya ujuzi usiogunduliwa hapo kabla....

Ulimwengu umejawa na makosa na hadithi za kutungwa. Mambo mapya katika mfumo wa maigizo ya kusisimua yanaendelea kuibuka na kuzama akilini, na nadharia za kipuuzi zimejaa nyingi zinazoharibu maendeleo ya kimaadili na kiroho. Kazi ya Mungu inahitaji watu wenye akili, watu wenye hadhari na watu waliobobea katika Maandiko, ili kukabiliana na wimbi la upinzani linaloingia. Hatupaswi kuruhusu majivuno, mawazo finyu na kutofautiana, hata wakiwa na vazi la wanaokiri kuwa wacha Mungu watakatakiwa. Wale walio na nguvu itakasayo ya ukweli mioyoni mwao watakuwa na mvuto wenye ushawishi. Wakijua kuwa watetezi wa makosa hawawezi kutengeneza au kuuharibu ukweli, kile wanachoweza ni kuwa watulivu na kuangalia tu....

Udanganyifu wa Shetani wa enzi hii lazima ukabiliwe kwa uwazi na kwa akili nyingi kwa upanga wa Roho, ambao ni Neno la Mungu. Mkono ule ule usioonekana unaoziona sayari katika njia zao na kuushikilia ulimwengu kwa uweza Wake, umetoa uwezekano kwa mwanadamu aliyeumbwa kwa sura Yake, ili kwamba awe mdogo kidogo kuliko malaika wa Mungu akiwa katika utekelezaji wa majukumu yake duniani. Kusudi la Mungu halijaitikiwa na watu waliokabidhiwa ukweli wa thamani kuwahi kutolewa kwa mwanadamu. Anakusudia kwamba tuinuke juu zaidi na zaidi kufikilia hali ya ukamilifu, tukiona na kutambua katika kila hatua uweza na utukufu wa Mungu. Mtu hajijui mwenyewe. Majukumu yetu yamewianishwa na nuru, fursa na heshima yetu....

Kitabu cha cha thamani cha Mungu kina kanuni za uzima kwa watu wa kila daraja na kila taaluma. Mifano inapatikana hapa ambapo itakuwa vyema kwa wote kujifunza na kufuatisha. "Mwana wa Adamu naye hakuja kutumikiwa, bali kutumika." Heshima na utukufu wa kweli wa Mtumishi wa Kristo haategemei idadi ya mahubiri yaliyohubiriwa, wala idadi ya machapisho yaliyokamilishwa, bali huduma ya uaminifu kwa mahitaji ya watu

(Testimonies for the Church 4:413-416).